

## ტესტი ლიტერატურაში

### დავალებები 1-10

#### ზოგადი ინსტრუქცია:

ქვემოთ წარმოდგენილია სწორი პასუხების შესაძლო ვარიანტები თითოეული კითხვისათვის. არ არის აუცილებელი, რომ აბიტურიენტის პასუხები ზუსტად, სიტყვასიტყვით იმეორებდეს ჩვენ მიერ შეთავაზებულს. მთავარია, მან გადმოსცეს ის ძირითადი აზრი, რომელიც შეფასების სქემაშია ჩამოყალიბებული.

თითოეული კითხვის პასუხი შეიძლება გადმოცემული იყოს ერთი სიტყვით, ფრაზით ან წინადადებით. აბიტურიენტის მიერ გაცემული პასუხი შესაძლებელია იყოს უფრო ვრცელიც და შედგებოდეს ორი ან მეტი წინადადებისაგან.

#### შეფასების სქემა

##### 1. (3)

##### *1 ქულა:*

1. მას შემდეგ, რაც (როდესაც) მისი ეპისკოპოსად კურთხევა გადაწყვიტეს. / როდესაც ეპისკოპოსად კურთხევა დაუპირეს. / როდესაც აღმზრდელებმა გრიგოლ ხანძთელის ეპისკოპოსად კურთხევა დააპირეს, მან გადაწყვიტა, უარი ეთქვა ხორციელ პატივზე და ბერად აღკვეცილიყო.

##### *1 ქულა:*

2. ტაო-კლარჯეთისკენ (კლარჯეთისკენ). / სამხრეთ საქართველოსკენ. / გრიგოლი მონასტრების ასაგებად გაეშურა ტაო-კლარჯეთისკენ.

##### *1 ქულა:*

3. ღვთის ნებით. / აირჩია იმიტომ, რომ ეს მხარე იმხანად არაბი დამპყრობლებისგან თავისუფალი იყო.

## 2. (4)

### 1 ქულა:

1. „ვეფხისტყაოსნის“ დასაწყისში ავტორი ამგვარად გვამცნობს თავის ვინაობას: „დავჯე, რუსთველმან გავლექსე...“, / „მე, რუსთველი, ხელობითა ვიქმ საქმესა ამა დარი“. შეუძლია პასუხად გამოიყენოს ერთი ან ორივე ციტატა ან მისი/მათი პერიფრაზი.

### 1 ქულა:

2. მან პოემას საფუძვლად დაუდო სპარსული სიუჟეტი. / ამ პოემის წარმომავლობის შესახებ ავტორი ამბობს, რომ გალექსა სპარსულიდან ნათარგმნი ამბავი. / შეუძლია პასუხად გამოიყენოს შესაბამისი ციტატა: „ესე ამბავი სპარსული, ქართულად ნათარგმანები, ვით მარგალიტი ობოლი, ხელის-ხელ საგოგმანები, ვპოვე და ლექსად გარდავთქვი, საქმე ვქმენ საჭოჭმანები.“

### 1 ქულა:

3. იმის საფუძველზე, რომ პროლოგში რუსთველი ახსენებს თამარს, / აქებს მის სილამაზეს, / უწოდებს „ხელ-მქმნელს“. / „ვეფხისტყაოსანში“ შექებულია თამარი. / შეუძლია გრცლად უპასუხოს: თვალსაზრისი იმის შესახებ, რომ ეს პოემა თამარ მეფეს ეძღვნება, ჩამოყალიბდა პოემის პროლოგის შემდეგი სტრიქონის/სტრიქონების საფუძველზე: „თამარს ვაქებდეთ მეფესა...“, „...მეფისა მზის თამარისა...“ / შეუძლია პასუხად გამოიყენოს მხოლოდ მოყვანილი ციტატა/ციტატები.

### 1 ქულა:

4. ჭეშმარიტი პოეტი არაა ის, ვისაც ვრცელი/ეპიკური ნაწარმოებების წერა არ შეუძლია. / რუსთველი ჭეშმარიტ პოეტად არ მიიჩნევს მას, ვისაც არ შეუძლია სათქმელის ვრცლად, „გრძელად“ გადმოცემა. / რუსთველი უპირატესობას ანიჭებს ვრცელი ეპიკური ჟანრის ნაწარმოებებს.

### 3. (2)

#### 1 ქულა:

1. ლეონი თავს დაიცავს მეფის რისხვისაგან წინდახედულების / გონიერების / სიფრთხილის... წყალობით.

#### 1 ქულა:

2. ამ ეპიზოდში ვლინდება მეფის გონიერება / კეთილშობილება / დიდსულოვნება / ზეობრიობა / პირის გაუტეხლობა / პრინციპულობა / სიბრძნე...

### 4. (3)

#### 1 ქულა:

1. მუდმივი შუღლი. / ქართლ-კახეთის დაუძლურების უპირველესი მიზეზი იყო გამუდმებული შუღლი და მტრობა. / დვთის რწმენის დაკარგვა. / ურწმუნოება, ცოდვათა გამრავლება.

#### 1 ქულა:

2. განადგურება. / აოხრება. / გაჩანაგება. / შეუძლია პასუხად გამოიყენოს შემდეგი ციტატა/ციტატები ან მისი/მათი პერიფრაზი: „ქართლი ოსმალომ დაიპყრო, კახეთი ლეკთა მოლამა“, „ეგრეთ ქართლი და კახეთი დარჩა თურქთა, ლეკთა, დიდოს“, „მოისრა ხშირი ქვეყანა, გახდა ვერანად, ტრამლადა“.

#### 1 ქულა:

3. მეფე ვახტანგის გარდაცვალება ავტორმა შეადარა სახლის დედაბობის წაქცევას („ვაი, რა ბოძი წაიქცა...“).

## 5. (3)

### 1 ქულა:

1. დალატმა. / ქართველთა დალატმა. / ქართველთა შორის გამოჩნდა მოღალატე, „იუდა“, რომელმაც აღა-მაჰმად-ხანს შეატყობინა ქართველთა ჯარის მცირერიცხოვნობის ამბავი, / ციხის კარი გაუდო.

### 1 ქულა:

2. მისაღებია კველა პასუხი, რომლებმიც აღეკვატურად არის გააზრებული ისტორიული კონტექსტი, მაგალითად: ქართლ-კახეთზე აღა-მაჰმად-ხანის თავდასხმის დროს გეორგიევსკის ტრაქტატი უკვე დადებული იყო. / ერეკლესა და სოლომონის დიალოგი შეიძლებოდა გამართულიყო 1783 წლის გეორგიევსკის ტრაქტატის დადებამდე და არა 1795 წელს, აღა-მაჰმად-ხანის მიერ საქართველოზე გალაშქრებისას, როდესაც საქართველო უკვე იმყოფებოდა რუსეთის მფარველობის ქვეშ.

### 1 ქულა:

3. ერეკლეს უკვე მიღებული პქონდა გადაწყვეტილება. / იმიტომ, რომ ერეკლეს უკვე მიღებული პქონდა გადაწყვეტილება ქართლის ბედოან დაკავშირებით. / შეუძლია მოიყვანოს შესაბამისი ციტატაც: „დიდი ხანია გულს ირაკლისა გარდუწყვეტია ბედი ქართლისა...“

## 6. (3)

### 1 ქულა:

1. მან ავდრის დროს თავშესაფარი ითხოვა. / ავდარი (დელგმა) იყო და გზა დაებნა. / ავდრის დროს ჯაჭვს წააწყდა, გაახსენდა მამის ნაამბობი და თავშესაფარი ითხოვა.

### 1 ქულა:

2. ავი სული / ეშმაკეული...

### 1 ქულა:

3. მწყემს ქალს უკვირდა, თუ როგორ შეძლო ბერმა წუთისოფლის / ოჯახის / ახლობლების დატოვება. / უკვირდა, როგორ ძლებდა ბერი „ყინულებში“ მარტო. / შეუძლია მოიყვანოს შესაბამისი ციტატა/ციტატები: „ან შენ როგორ ძლებ უწუთისოფლოდ...“, „...დმერთს რაში უნდა ამ ყინულებში ყოფნა კაცისა“. / უკვირდა, ნუთუ ხსნის სხვა გზა არ არსებობდა...

## 7. (3)

### 1 ქულა:

1. მისი ძიმიშვილი (ძუძუმტე) იყო. / დედამისის გაზრდილი იყო. / შეუძლია მოყვანოს შესაბამისი ციტატა: „დედიჩემის გაზრდილი ხარ, მისი ძუძუ გიწოვია“. / აპატია/შეუნდო, რადგან ძიმიშვილები იყვნენ. / ბათუმ არ მოკლა საფარ-ბეგი, რადგან მისი დანაშაულის განმსჯელად ჰაჯი-უსუბი (მისი გამზრდელი) ეგულებოდა. / ბათუს მიაჩნდა, რომ საფარ-ბეგს სიკვდილამდე სინდისი დატანჯავდა. / შეუძლია მოყვანოს შესაბამისი ციტატა: „...რომ გასტეხე, ის გეყოფა სიკვდილამდე შენ საკვნესად“.

### 1 ქულა:

2. მისი მზადყოფნა სიკვდილისთვის. / საფარ-ბეგი სოხოვს ბათუს, მოკლას იგი. / შეუძლია მოყვანოს შესაბამისი ციტატა/ციტატები: „სასიკვდილოდ ჩემი ნებით შენ წინ თავი დამიხრია...“, „ჩემ სიცოცხლეს სიკვდილი სჯობს...“ / საფარ-ბეგი გამზრდელთან აღიარებს დანაშაულს („ეუბნება ყოველიფერს, უნებურად რაც შეემთხვა...“). / საფარ-ბეგი ჰაჯი-უსუბს(აც) „მორჩილებით გულ-მკერდს უშვერს“.

### 1 ქულა:

3. ორივემ უფრო მეტი ტანჯვისთვის/სინდისის ქენჯნისთვის გაიმეტა საფარ-ბეგი. / შეუძლია მოყვანოს შესაბამისი ციტატაც: „...რომ გასტეხე, ის გეყოფა სიკვდილამდე შენ საკვნესად“. / ორივემ დანაშაულის მონანიების შესაძლებლობა მისცა საფარ-ბეგს.

## 8. (3)

### 1 ქულა:

1. შეებრალა ხევსური, რომელსაც ვერაფერი მოენადირებინა. / მთის ტრადიციის თანახმად, მონადირეები ერთმანეთს ნანადირევს უყოფდნენ.

### 1 ქულა:

2. პატიგს სცემდა მასპინძლის ოჯახს. / სტუმარმასპინძლობის წესს იცავდა.

### 1 ქულა:

3. ჯოყოლამ დაიცვა თავისი სტუმარი. / დაიცვა საკუთარი/თავისი ოჯახის დირსება. / სტუმარმასპინძლობის წესი დაიცვა. / არ შეასრულა თემის გადაწყვეტილება. / არ გადასცა ქისტებს ზვიადაური დასასჯელად/მოსაკლავად.

## 9. (3)

### 1 ქულა:

1. კირილები დაიყოლია. / კირილები წაიყვანა. / კირილები სთხოვა პლატონს, წაჰყოლოდა შაფათაძის ქორწილში.

### 1 ქულა:

2. კირილები წინა დღით იჩეუბა. / პლატონს ერიდებოდა/რცხვენოდა მასპინძლებისა, რადგან წინა დღით კირილები ქორწილში იჩეუბა, / აყალმაყალი ატება, / თანაც თავისი საქმე პქონდა მოსაგვარებელი.

### 1 ქულა:

3. შაფათაძეების ქორწილის ეპიზოდში ჩანს კირილეს სიფიცხე / თავშეუკავებლობა / ჭირვეულობა / ცუდი ხასიათი / კონფლიქტურობა.

## 10. (3)

### 1 ქულა:

1. მეფე გიორგი სიკვდილის წინ თავს იდანაშაულებს მრავალი ცოდვის ჩადენაში. / იმაში, რომ მან სიმთვრალეში ფხოველებს მოაკვლევინა თავისი დეიდაშვილი, გირშელი. / შეუძლია მოიყვანოს შესაბამისი ციტატა/ციტატებიც: „მე მრავალი ცოდვა მიმიძღვის ამქეუნად...“, „ვაჟაციც ვიყავი და მშიშარაც...“

### 1 ქულა:

2. გიორგი ქართველ თავადებსა და ერისთავებს ადანაშაულებს იმაში, რომ ისინი მუდმივად დალატობდნენ სამშობლოს. / ფეხქვეშ ეგებოდნენ ბიზანტიულებს (და არაბებს). / იმაში, რომ მას ბასიანთან აზნაურებმა უდალატეს. / იმაში, რომ მუდამ ერთმანეთს ექიშპებოდნენ. / შეუძლია მოიყვანოს შესაბამისი ციტატა/ციტატები: „ჩვენში მოდალატენი სჭარბობდნენ ერთგულებს...“, „ბასიანთან აზნაურებს რომ არ ედალატნათ...“, „დამანელა აზნაურებისა და სარდლების კინკლაობამ...“, „მუდამ ბიზანტიულებს ეგებოდნენ ფეხქვეშ ჩვენი სულელი აზნაურები...“

### 1 ქულა:

3. ქართველები მუდამ მტრობდნენ / არ აფასებდნენ გამორჩეულ/„დიდ“ ადამიანებს. / ქართველები ყოველთვის სხვა ერებს ბაძავდნენ. / ქართველები „უცხოს“ უფრო აღიარებენ, ვიდრე საკუთარს. / შეუძლია მოიყვანოს შესაბამისი ციტატები: „მშვენიერს „უცხოს“ უწოდებდნენ...“, „ოდიოთგანვე ასე მოგვდგამს ქართველებს...“